

Kreis  
Steinfurt

S 262

1287 Oktober 21.

[33

262

Graf Egbert von Bentheim bekundet, daß sein Vorfahr Hermann Berner von Stenhus dem Kloster Wietmarfchen den Zehnten des Honhoves (meyer?) in der Bisth. Wlde, Kspl. Emsbüren, überwiesen hat.

Omnibus presencia visuris nos Egbertus comes de Benthem notum facimus, quod Bernerus de Stenhus noster castrensis in nostra presencia constitutus de unanimi consensu et voluntate Mechthildis uxoris sue necnon omnium et singulorum heredum suorum priorisse et conventui monasterii Novalis sancte Marie ordinis sancti Benedicti decimam curtis sue site in Altwede dicte Honhove annis singulis tempore messis de garbis in agris licite et absque ulla prorsus questione colligendam et, quo decreverint, deducendam libere et spontanee in recompensam ac restaurum ipsius decime iam dudum per plures annos detente predictis assignavit, et sic per hoc cessabit omnis materia questionis sive actionis de fructibus subtractis memorato tempore, ut superius est expressum. Acta sunt hec presentibus Bernardo canonico Varelarensi, rectore ecclesie beati Jacobi in Cosveldia, Alberto presbitero, cappellano in Benthem, Ditherico magistro Stenvordie; Conrado dicto Hert, Nicholao de Turre, Cesario de Selekin, militibus; Eilardo de Metelen, Egberto Svantepol,

Bernardo de Baelo, Nicholao de Scure et quam pluribus aliis probis. In cuius rei testimonium rogati a partibus presentes litteras sigilli nostri munimine duximus roborandas. Datum anno Domini Mill.<sup>o</sup> cc<sup>o</sup> octogesimo septimo, in die undecim millium Virginum.

Orig. Siegel zerbröckelt in einem Leinwandstückchen. IX. Rep. I. 44.